



NOROGGA GIRKU

Girkoráđđi, Girkuidgaskasaš ráđđi, Sámi girkoráđđi

Beavdegirji

Sámi girkoráđđi (SGR)

Njukčamánu 6.- 7. b. 2014

Loabák - Lavangen

Čoahkkimis ledje:

Anne Dalheim, jodiheaddji

Ingar Nikolaisen Kuoljok

Tor Berger Jørgensen

Elin Sabbasen

Linn Ellen Kristina Leine Sivertsen

Eai bohtán:

Jovna Dunfjell

John Erland Boine

Mari Helander

Čállingottis:

Tore Johnsen

Vidar Andersen

Davvisámiid báhppa ja Davvi-Hålogalánda bismagotti ráđdeaddi Karl Yngve Bergkaasa lei mielde observatevran.

Čoahkkinbáiki:

Fjellkysten gjestehus, Tennevoll

Ruhkosat

Morgenandakt ble holdt av Ingar Nikolaisen Kuoljok første dagen, og Tore Johnsen andre dagen. Rådsmøtet ble avsluttet med salmen Herra min dál buressivdnit.

Ipmilbálvalus

Ruŋgu giliviesus lei ipmilbálvalus rihpain ja eahkedismállásiin. Ipmilbálvalusa doalaiga penšunerejuvvon suohkanbáhppa Morten Alsvik ja suohkanbáhppa Jon Syver Norbye.

Maŋŋil ipmilbálvalusa lei girkokáffe mas lei ságastallan Sámi girkoráđiin guovllu sámi girko- ja čoakkalmaseallima birra.

Gallestaddan Ástavuona giellaguovddážiis.

Sámi girkoráđđi lei bovdjuvvon giellaguovddáži geahčadit dan ja deaivvadit guovllu ovddasteddjiiguin. Earret Sámi girkoráđi ledje mielde giellaguovddáža jođiheaddji Lars Joar Halonen, suohkanbáhppa Jon Syver Norbye og penšunerejuvvon suohkanbáhppa Morten Alsvik.

Áššelistu

SGR 01/14 Beavdegirjjit

SGR 02/14 Referáhtaáššit

SGR 03/14 Diehtoáššit

SGR 04/14 Guovddášgirkolaš ráđiid jahkedieđáhus

SGR 05/14 Guovddášgirkolaš ráđiid jahkeplána

SGR 06/14 Opplysningsvesenets fond – Rudaidd juolludeapmi sámi girkoallimii

SGR 07/14 Čielggadeapmi SGRa válldis ekonomiijááššiin

SGR 08/14 Sámi girkobeavvut - árvvoštallan

SGR 09/14 Soabahusprošeavtta joatka

SGR 10/14 Nammadit lahtu Nuorttanaste stivrii

SGR 11/14 Norgga girku ja olmmošvuoigatvuođat (GČ 09/14)

SGR 12/14 Náittosdilleáddejupmi evangelalaš-lutherlaš geahččanbealis (GČ 14/14)

SGR 13/14 Álgoálbmotprográmmaevttohus Girkuid máilmmeráđđái

SGR 14/14 Nubbijođiheaddji ja SGR/BL välljen

SGR 15/14 Eará áššit

SGR 01/14 Beavdegirjiit

Mearrádus:

Sámi girkoráđđi dohkkeha beavdegirjji

SGR 02/14 Referáhtaáššit

Sámi girkoráđđi váldá referáhtaáššiid diehtun dákkár mearkkaašumiiguin:

1. Sámi girkoráđđi ferte nammadit ráđdeaddi lahtu Ipmilbálvaluseallima nammagoddái. Jos šaddá dárbu nammadit lahtu ovdal boahtte ráđdečoahkkima, addojuvvo fápmodus SGR/BLi dahkat nammadeami.
2. Sámi girkoráđđi oaidná dárbbu álggahit prinsihpalaš ságastallama Sámi girkoráđi sajadaga birra ođđa girkoortnegis, ja bivdá ahte dát šaddá áššin boahtte ráđdečoahkkimis.

SGR 03/14 Diehtoáššit

Njálmmálaš dieđut váldočállis

1. Ráđđelahtuide áššebáhpárat vejolaččat elektrovnnalaččat
2. Čoahkkín sámi stáhtačállin ođđajagemánu 13.b.
3. Julevsámegiel biibbaljorgalus
4. Čoahkkín Sámedikki hálddahusain cuoŋománu 22.b.
5. Munib Younana galledeapmi Romssas njukčamánu 24. – 26.b.
6. Álgoálbmotgažaldagaid forum veahkkevuogádagas
7. Váldočállis virgelohpi

Reivvet ja čállosat

1. Čálašeapmi Kristian Paulseniin juoiganseminára hárrai
2. Invitation to the SOGIP-FORUM Conference 2014
3. Sámi girkoallinkonferánsa geassemánu 2. – 3.b., Romssas
4. Bovdehus Vuodđoláhkaávvudeapmái miessemánu 10. ja 11.b., Elverhøy girkus
5. Nuorttanaste – jahkediedáhus 2012
6. Ohcamuš Nordlándda fylkkagildii – Gelbbolašvuodáhuksen álgoálbmotguoskevaš soabahusbarggus

7. Dohkkehuvvon ohcamuš atnit davvisámegiel geahččalanteavsttaid sárdne- ja lohkanreakstan Norgga girkus.
8. Doarjja Davvi-Hålogalánda bismmas
9. IP representation in the Executive Committee.
10. RE: IP representation in the Executive Committee
11. Ođđa davvisámegiel biibbalteavsttaid geahččaleapmi
12. Váldočálli dearvvahus vuodđoláhkaávvudanipmilbálvalusas 23.2.2014, Elverhøy girkus
13. Referáhta lullisámegiel jorgalanprošeavtta jođihanjoavkkus
14. Riikkaviidosas sámi konfirmántasiidda prográmma njukčamánu 13. – 16. B.

Mediaáššit

Vedtak:

Sámi girkoráđđi váldá áššiid diehtun dáinna mearkkašumiin:

Sámi girkoráđđi háliida oazžut diehtoášši riikkaviidosas sámi konfirmántasiiddas boahhte ráđdečoahkkimii mas čielggaduvvojit iešguđet bealit dán doaimmas.

SGR 04/14 Guovddášgirkolaš ráđiid jahkediedáhus

Čoahkkáigeassu

2013 jahkediedáhus lea ráhkaduvvon 2013 jahkeplána čuovvuleapmin (GR 10/13 ja SGR 05/13). Dilli jagi loahpas lea gis vuoddu viidáset plánmii 2014:s, ghč GR-ášši 11/13. i 2014/.

2013 jahkeplána lei ráhkaduvvon 9iin váldoáššiin main ledje oassemihhtomearit ja doaimmat. Juohkin lei dahkkojuvvon Ođasmahttin-, hálddahus- ja girkodepartementta juolludanrievve vuodul ja Girkočoahkkima doaibmaáigumušaid vuodul áigodahkii 2009-2014.

Girkočoahkkin 2004 mearridii ahte váldi dohkkehit Girkuiddgaskasaš ráđi ja Sámi girkoráđi diedáhusaid sirdojuvvo Girkoráđđái. Dat mearkkaša ahte Girkoráđđi dohkkeha buot golmma ráđi jahkediedáhusaid ja sádde daid diehtun Girkočoahkkimii ja departementii.

mearrádus

Sámi girkoráđđi dohkkeha Sámi girkoráđi 2013 jahkediedáhusa mii čilge Sámi girkoráđi doaimma 2013:s, ja sádde dan Girkoráđđái loahpalaš mearrideapmái.

SGR 05/14 Guovddášgirkolaš ráðiid jahkeplána

Čoahkkáigeassu

Guovddášgirkolaš ráðiid jahkeplánat leat ráhkaduvvon Girkočoahkkima láidestemiiguin ja departementta juolludanreivve vuodul. Dát čálus lea dahkkojuvvon ossodagaid ja jodihangotti vuđolaš barggu vuodul. Dát plána juohká doaimma 9 oassái main leat váldomihttomearri ja oassemihttomearit.

Dat lea dahkkojuvvon dainna ulbmilin ahte dahkar mihttomeariid čielgaseappon. Jahkeplána lea heivehuvvon ruđalaš rámaide.

Sámi girkoráđđi bivdojuvvo vuosttažettin geahččat daid osiid mat gusket sámi girkoallima ossodahkii, siiddut 25-27 ja siiddut 40-41.

Ášši mielde lea maiddái siskkáldas jahkeplána mii čájeha ossodaga plana dárkileappot.

Mearrádus

1. Sámi girkoráđđi dohkkeha árvaluvvon jahkeplána ráđii doibmii 2014:s, daiguin rievadusaiguin mat bohte ovdan čoahkkimis, ja sádde daid Girkoráđđái loahpalaš dohkkeheapmái.

2. Sámi girkoráđđi čujuha

a) dárbus beassat johtui julevsámegiel ja lullisámegiel biibbaljorgalanprošeavttaiguin

b) ahte lea deatalaš ásahtit báhpavirggi mii fuolaha sámi girkoallima Lulli-Norggas Sámi girkoallima strategalaš plána áigumušaid dáfus

SGR 06/14 OVF – 2014 SKR – Juolludeamit sámi girkoallimii

Čoahkkáigeassu

Opplysningsvesenets Fond (OVF) ruđaid juohkin dáhpuhuvvá “Lov om Opplysningsvesenets Fond av 7. juni 1996 og Retningslinjer for Opplysningsvesenets Fond – Tilskudd til kirkelige formål” mielde. Njuolggadusat rievdaduvvojedje manjimustá Girkočoahkkimisi 2012 (GČ 06/12).

Jahkásaččat bohtet Girkoráđđái ja bismagottiide eambo ohcamušat Opplysningsvesenets Fondii go maid lea vejolaš juolludit. Buorit prošeavttat eai oaččo doarjaga danin go ohccojuvvo eambo go masa lea ruhta. Stuorradiggi, departementa ja Girkočoahkkin leat maiddái bidjan láidestagaid oassái dain ruđain mat sáhttet geavahuvvot.

Girkorádis ja bismagotterádin lea mearridanváldi daid ruđain mat bohtet OVF:s. Dát mearkkaša ahte Girkorádis ja bismagotterádin lea ovddasvástádus dahkat rámaid daid ruđaide mat

juolluduvvojit. Girkuidegaskasaš ráđđi ja Sámi girkoráđđi ožžot juolludemiid maid iežaset gelbbolašvuoda vuodul galget juogadit daidda beliide mat lunddolaččat gullet sin doibmii. Juolludeamit prošeavttaide dahkkojit daid ruđalaš rámaid siskkobealde maid Girkoráđđi lea addán. Sámi girkoráđđi juolluda ruđaid prošeavttaide mat gullet “Sámi girkoallima” oassái. 2014:i lea Girkoráđđi juolludan 700 000,- ruvnnu sámi girkoallima doaimmaide. Dát ruđat mannet doaimmaide mat leat Sámi girkoráđis.

Rámma evttohuvvo adnot nu ahte 630 000 ruvnnu leat siskkáldas prošeavttaide ja 70 000 olgguldas vuostáiváldiide.

Mearrádus

Sámi girkoráđđi bidjá ruđaid prošeavttaide dan evttohusa vuodul mii lea mildosis.

SGR 07/14 Čielggadus SGR fápmudusain ruhtaáššiin

Čoahkkáigeassu

Sámi girkoráđđi lea sihtan oažžut čielggadusa rádi fápmudusain ruhtaáššiin. Miellodusin lea čálus mas Gerd Karin Røsæg dán čilge.

Mearrádus

Ášši váldojuvvo diehtun

SGR 08/14 Sámi girkobeavvit 2013 – árvvoštallan

Čoahkkáigeassu

Sámi girkobeavvit čadahuvvojedje borgemánu 9.-11. b. 2013 Mo i Ranas. Sámi girkoráđi ovdii biddjojuvvui gaskaboddosaš rapporta čakčamánu 2013 (SGR 15/13). Sámi girkoráđđi celkkii ahte lei hui duhtavaš lágidemiiguin. Ráđđi válddii gaskaboddosaš rapportta diehtun ja sidai oažžut loahpalaš rapportta rádi čoahkkimii njukčamánu 2014. Muđui čuovvulii ráđđi áššebáhpára láidestemiid loahpalaš árvvoštallan- ja rapportabarggu dáfus, ja vela ruđalaš beali dáfus. .

Rapporta mii lei rádi čakčamánu 2013 čoahkkima ovdii biddjojuvvon lea dál ođasmahttojuvvon ja lea miellodusin loahpalaš rapportan. Leat dušše smávit rievdadusat mañimučča rájes.

Sámi girkoráđđái leat boahtán 4 árvvoštallancealkámuša miellágideddjiin, bismagottiin ja eará ovttasbargoguimmiin, ja áššebábir čielggada dáid árvvoštallamiid.

2013 prošeaktabušeakta loahpparámma šattai 2 298 000,- ruvnu.
Loahpparehketdoallu čájeha olggosgoluid. 2 432 134,80 ruvnu ovddas.
Sisaboahthetdoallu čájeha 1 999 024,14 ruvnu, muhto buorin leat mañimuš
oasit juolludemiin (mat máksojit easka go loahpparehketdoallu ja rapporta lea
addojuvvon), mii dahká 365.500,- ruvnu. Vuolláibáza mii lea 67 610,70 ruvnu
gokčojuvvo Sámi girkoráđi 2014 OVF-rudain.

Mearrádus

1. Sámi girkoráđđi dohkkeha ovdanbuktojuvvon loahpparaportta Sámi girko-beivviin 2013, ja váldá diehtun árvvoštallancealkámušaid.
2. Sámi girkoráđđi lea hui duhtavaš Sámi girko-beivviid plánemiin, čáđahemiin ja bohtosiin.
3. Sámi girkoráđđi dáhttu earenoamážit deattuhit hálddahusa, Rana gieldda ja Rana girkolaš oktasašráđi barggu Sámi girko-beivviiguin 2013.
4. Sámi girkoráđđi dáhttu maid earenoamážit giitit buot ovtasbargoguimmiid ja ruhtadeddjiid.

SGR 09/14 Soabahusprošeavtta joatkka

Čoahkkáigeassu

Ášši giedahallá mo sáhtta konkrehta vugiin joatkit sámiguoskevaš soabahusbarggu, earenoamážit 2015:s.

Lonohallanprošeavtta dáfus ásašain Institute for Healing of Memories (IHM) Lulli-Afrihkás, dát ášši čuovvula Sámi girkoráđi mearrádusa áššis SGR 33/13, mas ráđđi dáhtui oaidnit lea go vejolaš váldit badjelasas ovddasvástádusa lonohallanšiehtadusas ovtasbarggu Lulli-Hålogalándda bismagotteráđiin. Luli-Hålogalánddas ii leat vejolašvuhta searvat prošeaktii. Danin ii oro šat leamen vuoddu dahkat formálalaš lonohallanšiehtadusa Institute for Healing of Memories. Ain lea dattege vuogas ja buorre doalahit oktavuoda IHM'in.

Evttohuvvo sáddet 3-olbmo joavkku oasálastit konferánsas mii loahpaha Canada 5-jagi soabahusproseassa álgoálbmogiid dáfus. Dát dollojuvvo Edmontonas njukčamánu 27.-30.b. d.j., ja Sámedikkis ja Nordlándda fylkkagielddas leat jerrojuvvon mielruhtadeaddjin. Doaimma mihttu lea nannet álgoálbmotguoskevaš gelbbolašvuoda soabahusbarggu.

Ovdal lea ságastallojuvvon jos mii doalašeimmet oktasaš davviriikkalaš konferánsa 2015:s soabahusbarggu birra ovtas Ruota girkuin ja Suoma evangelalaš-luteralaš girkuin. Evttohuvvo váldit formálalaš oktavuoda oabbágirkuiguin ja árvalit konferánsa 2015 čavčča. Evttohuvvo

maid áсахit plánenjoavkku mii ráhkkanisgoahhtá 2014 čavčča rájes. Sámi girkoráđđi ávžžuhuvvo nammadit guokte olbmo diekkár bargojovkui.

Mearrádus

1. Sámi girkoráđđi šálloša go ráđđi ii ane vejolažžan searvat evttohuvvon lonohallanšiehtadussii ásašusain Institute for Healing of Memories (IHM), ja bivdá ahte dát almmuhuvvo IHMii. Sámi girkoráđđi deattuha ahte ráđđi ain atná hui mávssolažžan fágalaš oktavuoda IHMin, ja doaivu ahte oktavuoha joatkašuvvá.
2. Sámi girkoráđđi hálida nannet ráđi álgoálbmotguoskevaš gelbbolašvuoda soabahusbarggus oasálastimiin manjimuš riikkaviidosaš konferánsas man Truth and Reconciliation Commission Canadas lágida njukčamánu 27.-30. b. d.j. Sámi girkoráđđi doarju ahte Rolf Steffensen, Ingar Nikolaisen Kuoljok ja Tove-Lill Labahå Magga ovddastit Sámi girkoráđi doppe, ja bivdá joavkku ráhkadit rapportta mii čielggada vásáhusaid ja jurddašemiid canadalaš soabahusbarggus maid sáhttá atnit ávkin soabahusbargguin Sámis.
3. Sámi girkoráđđi bivdá ahte ovdal cuoŋománu d.j. sáddejuvvo formálalaš jearaldat Ruota girku ja Suoma evangelalaš-luteralaš girku sámi ossodagaide oktasaš davviriikkalaš konferánsa hárrái 2015 čavčča. Sámi girkoráđđi evttoha ahte nammaduvvo plánenjoavku mas leat mielde buot golmma riikka áirasat. Sámi girkoráđđi nammada 2 olbmo plánenjovkui. Sámi girkoráđđi bivdá plánenjoavkku dadistaga diedihit ráđđái plánenbargguid hárrái, nu ahte lea vejolaš váikkuhit sisdollui ja eará áššái guoskevaš beliide konferánsas..

Dát olbmot nammaduvvojit plánenjovkui:

- Tore Johnsen

- Ingar N. Kuoljok / Rolf Steffensen

SGR 10/14 Nammadit áirasa Nuorttanaste stivrii

Čoahkkáigeassu

Sámi girkoráđđi, Sis-Finnmárkku proavásgoddi ja Norgga Sámemiššuiidna nammadit áirasiid Vuodđudusa Nuorttanaste stivrii.

Dálá stivra välljejuvvui áigodahkii 2010-2014. Dán áigodagas lea Ole Mathis Hetta ovddastan

Sámi girkoráđi ja Liv Tone Boine leamaš várrelahttu. Hetta lea doaibman stivrrajodiheaddjim. Boine manai doaimmaheaddjidoibmii 2013:s.

Boahtte oamasteaddjiid čoahkkimis galget välljejuvvot odđa stivrralahtut áigodahkii 2014-2018. Eaiggádin galgá Sámi girkoráđdi nammadit lahtu ja várrelahtu stivrii vuodđudusa njuolggadusaid paragrafa 5 mielde:

Stivrra ásaheapmi

Njealjeolbmo stivra jodiha vuodđudusa, ja dat doaibmá 4 jagi. Čuovvovaččat nammadit iešguđet ge lahtu ja várrelahtu stivrii, mii doaibmá 4 jagi:

- Norgga Sámemiššuvdna
- Sis-Finnmárkku proavášgoddi
- Sámi girkoráđdi
- Bargit

Bargiiguuin oaivvilduvvojit olbmot geain leat virggit «Nuorttanaste»-vuodđudusas. Stivra vällje stivrraovdaolbmo ja nubbiovdaolbmo.

Ole Mathis Hetta lea jerrojuvvon ja lea miehtan doaibmat stivrras vel ovttá áigodaga. Várrelahttoevttahas árvaluvvo mañnelis.

Mearráđus

1. Sámi girkoráđdi nammada čuovvovaš olbmo fásta lahttun Nuorttanaste-vuodđudusa stivrii:
 - Ole Mathis Hetta
2. Sámi girkoráđdi nammada čuovvovaš olbmo várrelahttun Nuorttanaste-vuodđudusa stivrii:
 - Kirsten Isaksen

SGR 11/14 Norgga girku ja olmmošvuoigatvuodát

Čoahkkáigeassu

Girkočoahkkkin galgá d.j. cuoŋománus meannudit ášši Norgga girku ja olmmošvuoigatvuodát (GČ 09/14) man vuodđun lea guorahallan *Sett undertrykte fri! Den norske kirkes engasjement for menneskerettighetene*. Sámi girkoráđdi oažžu Girkočoahkkima áššebáhpára diehtun, muhto lea vejolaš buktit mearkkašumiid Girkočoahkkima loahpalaš meannudeapmái dán áššis.

Girkočoahkkinášši sisdoalu dáfus čujuhuvvo áššebáhpárii mii lea mielddusin, GČ 09/14. Vuolábealde cuigejuvvojit muhtin oasis mat eai leat čielggaduvvon Girkočoahkkima áššebáhpáris ja mas lea mearkkašupmi das mo Sámi girkoráđdi árvvoštallá ášši.

Sámi girkoráđdi lea meannudan ášši SGR 18/13 ja SGR 28/13. Ráđdi lea deattuhan ahte olmmošvuoigatvuodabealli sámi girkoallima barggus berre vuhtiiváldojuvvot dán áššis, Sámi girkoallima strategalaš plána mielde. Sámi girkoráđi meannudeapmi dán áššis ii boade ovdan áššebáhpáris Girkočoahkkimii. Girkočoahkkindokumentta áiddostallan das ahte “dihtomielaččat eai leat namahan vissis joavkkuid danin go áššis lea ollislaš geahčastat olmmošvuoigatvuodaide” sáhtá dulkojuvvot vástádussan Sámi girkoráđi cugehussii. Dákkár ákkastallan orru leamen govttolaš daid beliid dáfus dán áššis main mearriduvvojit oppalaš eavttuid daidda vuoruhemiide mat galget leat Norgga girku olmmošvuoigatvuodañgirusšamiid vuodđun. Dattege šaddá jearaldat das manin sámi girkoallin/álgoálbmot ii namahuvvo sierra vuoruhuvvon bargooassin Norgga girkus gos mearrádusevttohus čilge guovddášgirkolaš ráđiid hástalusaid..

Mearrádus

1. Sámi girkoráđdi dáhttu čalmmustahttit ahte Sámi girkoráđi meannudeapmi ja mearkkašupmi áššis Norgga girku ja olmmošvuoigatvuodát (SGR 18/13 ja SGR 28/13) ii boade oidnosii ii ge ságastallojuvvo áššebáhpáris mii biddjo Girkočoahkkima ovdii meannudeapmái (GČ 09/14). Ráđdi oaivvilda dan dihtii ahte áššebáhpáris mii biddjojuvvo GČ ovdii lea váilevaš dán čuoggás.
2. Sámi girkoráđdi lea Girkočoahkkima ásaš sámi girkoallima ja álgoálbmotáššiid várás, ja ráđi bargooassi guoskkaha ráđi oainnu mielde deatalaš olmmošvuoigatvuodaosi. Ráđdi bivdá váldočáli ja nuppiovdaolbmo ráhkadit čállosa mii čilge Sámi girkoráđi prinsihpalaš oainnu, ja mii mearkkašumi Girkočoahkkima meannudeapmái ja loahpalaš mearrádussii dán áššis.

SGR 12/14 Náittosdilleáddejupmi evangelalaš-lutherlaš geahččanbealis (GČ 14/14)

Čoahkkáigeassu

Girkočoahkkin galgá cuoŋománus 2014:s meannudit ášši Náittosdilleáddejupmi evangelalaš-lutherlaš geahččanbealis (GČ 14/14) Go juo ášši meannuduvvui Girkoráđis nu maŋjit go juovlamánus diibmá, eai lean áššebáhpárat gárvásat áiggil Sámi girkoráđi čoahkkimii skábmanánus 3013:s. Dan dihtii ášši ii leat leamaš Sámi girkoráđi ovddas ovdal sierra áššin.

Ášši ii leat velá gárvvisin meannuduvvon Girkorádis (dat dáhpáhuvvá Girkorádi čoahkkimis guovvamánu 20.-21.b. d.j.), ja dat mearkkaša ahte loahpalaš áššebabir ii leat vel gávdnamis. Sámi girkoráddái sáddejuvvo dan dihtii girkoráddeášši GČ 01/14 rádi ráddádallama vuodđun. Girkorádi mearráduš áššis GČ 01/14 bidjá eavttuid loahpalaš girkočoahkkinaššái ja sáddejuvvo maŋgil nu fargga go lea loahpalaš.

Ášši addá Sámi girkoráddái vejolašvuoda buktit mearkkašumiid Girkorádi loahpalaš meannudeapmái dán áššis cuoŋománuš 2014.

Ášši duogaža ja sisdoalu hárrái čujuhuvvo ollásit áššebáhpárii GČ 01/14 oktan mildosiiguin.

Mearráduš

Sámi girkoráddi doarju 1. čuoggá evttohusas mii bohtá Girkorádi hálddahas áššis GČ 01/14, ja Helga Haugland Byfugliena evttohusa 2. mearráduščuoggái mii bođii seammá ášši meannudettiin.

Sámi girkoráddi ávžžuha nappo Girkočoahkkima dahkat dákkár mearráduša dán áššis:

1. Girkočoahkkín čujuha Bismačoahkkima cealkámuša ovttajienalaš oassái ja doarju dan. Girkočoahkkín dovddasta ahte sierramielalašvuolta seammá sohkaheale páraid vihaheames guoskkaha guovddáš oahppogažaldaga lutherlaš girkus, namalassii náittosdilleáddejumi. Girkočoahkkima mielas dát sierramielalašvuolta, nugo bohtá ovdan Bismačoahkkima ovttajienalaš cealkámušas, ii leat dakkár ahte dat váikkuha min oktasaš áddejupmái evngeliumas. Ii dat čájjet sierramielalašvuoda olbmo árvvu dáfus ge. Girkočoahkkín dáhttu dan dihtii cealkit ahte sierramielalašvuolta ii leat dakkár ahte oktavuolta ipmilbálvalusa ja sakramentaidd dáfus Norgga girkus ferte botkejuvvot.
2. Girkočoahkkín čujuha iešguđet oaiviliidda mat bohtet ovdan Bismačoahkkima cealkámušain ja váldá diehtun ahte leat guokte teologalaččat vuodđuduvvon oainnu seammá sohkaheale páraid girkolaš vihaheapmái. Gávccii bismma eanetlohku oaivvilda ahte Norgga girku ferte dohkkehít homofiilla ovttaseallima, ja dahkat vejolažžan seammá sohkaheale páraid náitit girkus. Njealjása unnitlogu mielas ii oainne oahpalaš vuodu liturgiija ásaheapmái seammá sohkaheali náittosdillái. Girkočoahkkín dovddaha ahte lea sávahahtti oažžut nu čohkkejeaddji mearráduša go vejolaš. Bismačoahkkima rávvaga mielde bivdá Girkočoahkkín dan dihtii ahte álggahuvvo bargu ráhkadit ovddasrohkosliturgiija seammásohkaheale páraide geat leat borgarlaččat náitalan, dainna ulbmilin ahte dat meannuduvvo Girkočoahkkimis 2015.

SGR 13/14 Álgoálbmotprográmmaevttohus Girkuid máilmmerráddái

Čoahkkáigeassu

Ášši čielggada barggu hábmet álgoálbmotprográmmaevttohusa Girkuid Máilmmerráddái (GM). Sámi girkoeallima strategalaš plána láidsteamit gusket maiddá dán áššái.

Álgoálbmotprográmmaevttohus biddjojuvvo GM'a Guovddášlávdegotti ovdii loahpalaš mearrideapmái suoidnemánus d.j. ja dat váikkuha GM'a álgoálbmotbargui odđa prográmmaáigodagas. Gaskaboddosaš álgoálbmotjoavku lea mielde barggus hábmemin prográmmaevttohusa ovttasráđiid GM'a ovdalbmuiquin/hálddahusain. Álgoálbmotjoavku sádde gaskaboddosaš prográmmaevttohusa álgoálbmotásahusaide ja –fierpmádagaide main sáhtášii leat cealkámuš áššái. Lea vejolaš ahte prográmmaevttohus ii leat gárvvis Sámi gikoráđi čoahkkimii njukčamánu 6.-7.b. d.j. Jos ii leažžá, de berre Sámi girkoráđi addit SGR-BL'ii vuoigatvuođa árvvoštallat prográmmaevttohusa.

Áššebábir čielggada maiddá GM'a plánaid ekumenalaš oasseváldimii ON'a Álgoálbmogiid máilmmekonferánsas čakčamánu 22.-23.b. d.j., ja ahte dát guoská Sámi girkoráđi álgoálbmotbargui 2014:s.

Mearrádus

1. Sámi girkoráđi bivdá SGR-BL'a árvvoštallat GM álgoálbmotprográmma go dat gárvána, ja buktit cealkámuša, jos miige leažžá, prográmmabargui.
2. Sámi girkoráđi nammadá dáid olbmuid váldit oasi ekumenalaš deaivvadeapmái ON'a Álgoálbmogiid máilmmekonferánsas New York's čakčamánu 22.-23.b. 2014.

- jodiheaddji Anne Dalheim

- váldočalli Tore Johnsen

SGR 14/14 Nubbijodiheaddji ja SGR/BL välljen

Čoahkkáigeassu

Sámi girkoráđi njuolggadusaid § 6 mielde galgá Sámi girkoráđi ieš välljet nubbijodiheaddji guovtti jagi áigodahkii. Sámi girkoráđi jodiheaddji lea mielde Girkoráđi čoahkkimiin ja sus lea sárdnun- ja evttohanvuoigatvuohta, ja nubbijodiheaddji lea su sadjásaš Girkorádis.

Sámi girkoráđi njuolggadusaid § 7 čájeha ahte ráđis sáhtta leat bargolávdegoddi (BL) mas lea mielde jodiheaddji, nubbijodiheaddji ja okta lahttu, ja guokte várrelahttu. Njuolggadusaid mielde čeahkkana bargolávdegoddi dárbbu mielde ja dahká mearrádusaaid áššiin maid ráđđi lea dasa delegeren.

Goappašiid válggain lea lunddolaš váldit vuhtii sohkabeliid dásseárvvu ja davvisámi, julevsámi ja lullisámi ovddasteami.

Mearráđus

1. Sámi girkoráđđi vällje áigodahkii 2014 - 2015

- Ingar Nikolaisen Kuoljok nubbijodiheaddjin

2. Sámi girkoráđđi vällje bargolávdegotti áigodahkii 2014-2015 mas lea mielde:

- Anne Dalheim
- Ingar Nikolaisen Kuoljok
- Linn Ellen Kristina Bientie Sivertsen

3. Sámi girkoráđđi vällje čuovvovaš várrelahtuid bargolávdegodđái:

- Liv Eli Holmestrand
- Jovna Dunfjell

SGR 15/14 Eará áššit – Cealkámuš dearvvašvuodabálvalusaid hárrái Divttasvuonas ja Hápmiris

Mearráđus

Sámi girkoráđđi mearridii čuovvovaš cealkámuša Divttasvuona ja Hápmi dearvvašvuodabálvalusaid hárrái:

Sámi girkoráđi ovddit ráđdečeahkkin dollojuvvui Divttasvuonas ja Hápmiris skábmanánu 28. ja 29. b. 2013.

Sámi girkoráđđi deaivvadii áirasiiguin ja sámi ásahusaiguin ja oaččui dieđuid guovllu dearvvašvuodahástalusaid hárrái, ja earenoamážit dat dárbu mii lea dearvvašvuodabálvalusaide mat leat heivehuvvon vuorraset sápmelaččaide.

Sámi girkoráđđi lea oluin fuomášan ahte Divttasvuona, Hápmira ja Stáiggu gielddain, ovttasbarggus Sámedikkiin, leat bargagohtán dáiguin dearvvašvuodahástalusaiguin, ja leat dovddahan ahte dát bargu galgá dás duohko vuoruhuvvot.